

लहना

व्यवसायिक पत्रकारिता, थौंया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।

लक्ष्मण गजमाल 'चिलमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने

मंका: संघर्ष बिना अधिकार काय फइमखु
डि.आर खड्गी - २



नेपा:या पत्रकारिताया कीर्तिमानी व्यक्तित्व
- पुष्करलाल श्रेष्ठ
पुष्कर माथेमा - ३



नेपा:यात भाग्य साथ मबिल
प्रजीत शाक्य - ६



ल्लो-अप

ज्यापुती इन्दु

कलाकार

४-५ पेज

मदुम्ह भिक्षु अश्वघोषया लुमन्तिइ गुणानुस्मरण व श्रद्धाञ्जली सभा

भिक्षु अश्वघोषया 'धर्मनिरपेक्ष राष्ट्र'या महानस पूवन । - पुलांम्ह सभामुख सुवास नेम्वाङ्ग

लहना संवाददाता

नेपा:या खुम्हम्ह संघनायक भिक्षु अश्वघोषया महास्थविरया लुमन्तिइ गुणानुस्मरण व श्रद्धाञ्जली सभा अखिल नेपाल भिक्षु महासंघलिसें थीथी संघ सस्थाया ग्वाहालि येँया भृकुटीमण्डपय् च्वंगु राष्ट्रिय सभागृहस जुल ।

उगु गुणानुस्मरण व श्रद्धाञ्जली सभाय् नेपाल कम्युनिष्ट पार्टी (नेकपा)या संसदीय दलया उपनेता लिसें पुलांम्ह सभामुख सुवास नेम्वाङ्ग भिक्षु अश्वघोष राष्ट्रिय सभाय् दुगु इलय् गौतम बुद्ध बूगु लुम्बिनीया विकासया लिसें बुद्धधर्मया अधिकारयात कया: न्ह्याबले स: तयगु ज्या यानाबिज्या:गु लुमंकादिल । वय्कल संविधान संशोधनया इवल्य् नेपा:यात 'हिन्दू राष्ट्र'या थासय् 'धर्म निरपेक्ष राष्ट्र' जुइमा:गु स: थ्वय्का बिज्या:गु व निक्व:गु जनआन्दोलन लिपा वय्क:या स:कथं हे देय् धर्मनिरपेक्ष राष्ट्र जुइत ता:ला:गु खँ धयादिल । अश्वघोष छम्ह भिक्षु जुया: नं मंका: हीतया खँय्, जाति, भाषाया नापनापं बुद्ध धर्मयात व्यापकता याना यंकेमा:गु खँय् न्ह्याबले स: तयादीगु जक मखु, उकियात निति मा:कथंया पला: ल्हवनेत नं तयार जुयादीम्ह ख: धइगु नेता नेम्वाङ्गया धापू ख: ।



वय्कल संविधान संशोधनया इवल्य् नेपा:यात 'हिन्दू राष्ट्र'या थासय् 'धर्म निरपेक्ष राष्ट्र' जुइमा:गु स: थ्वय्का बिज्या:गु व निक्व:गु जनआन्दोलन लिपा वय्क:या स:कथं हे देय् धर्मनिरपेक्ष राष्ट्र जुइत ता:ला:गु ख: ।

अथे हे हनेबह:म्ह धम्मवती गुरुमां नं भिक्षु अश्वघोषयात छम्ह कम्युनिष्ट भन्ते धका: जक द्वपं बीगु ज्या जुयाच्वंगु खँयात कया: कुखिना बिज्यात । अश्वघोष भन्ते नं ल्याय्म्हपिन्त बुद्ध धर्मया प्रचारप्रसार याय्गु जक मखु, गांगामय् वना: बुद्धधर्म व्यापकता

याय्गु यक्व ज्या याना बिज्या:गु खँ न्ह्यथना बिज्यात । थुकिं याना: वसपोलयात कम्युनिष्ट धका: द्वपं बीपिं नं बुलुहुँ बुलुहुँ सुम्क च्चनावंगु धयाबिज्यात । वसपोलं धेवा मुंकातय्गु ज्या मुक्त जुया: धेवा भचा दत कि बुद्ध धर्मया प्रचारप्रसारया निति सफू

पिथनेगु ज्या जुयाच्वंगु नं धम्मावती गुरुमां नं धयाबिज्यात ।

थ्व हे इवल्य् न्हय्म्हम्ह संघनायक डा. जाणपूर्णा महास्थविर बुद्धधर्मयात कया: सर्वसाधारण मनुतयसं नं थुइगु भासं च्वया बिज्याइगु नापं कना बिज्याइगु खँ न्ह्यथना बिज्यासें भन्ते अश्वघोष थ:त य:गु वा मय:गु खँयात कया: तुरुन्त हे प्रतिक्रिया बिजाबिज्याइगुलिं वसपोल छम्ह स्पष्टवक्ता जूगु नं बिचा: तयाबिज्या:गु दु ।

ल्यं ७ पेजय्

मदुम्ह वरिष्ठ पत्रकार श्रेष्ठ लुमंकल

येँ । मंगलमार्ग अन्तर्राष्ट्रिय बौद्ध ध्यान केन्द्रया सल्लाहकार नापं आजीवन दुज: मदुम्ह पुष्करलाल श्रेष्ठया निर्वाणया कामना यासें बौद्ध परम्पराकथं गुणानुस्मरण व श्रद्धाञ्जली प्वंकुगु दु ।

यल महानगरपालिका-१३ नखुइ च्वंगु केन्द्रय् ग्वसा: ग्व:गु छगू मुँज्याय् राष्ट्रिय दैनिक पत्रिका 'नेपाल समाचारपत्र'या प्रधान सम्पादकतकं जुयादीम्ह श्रेष्ठया बौद्ध परम्पराकथं जरा, व्याधि व मृत्युपाखे अलग्ग जुया: निर्वाण सुखया कामना या:गु ख: ।

केन्द्रया नाय: पुष्करलाल शाक्यं केन्द्रया स्थापना यासानिसें मदुम्ह श्रेष्ठं म्हितादीगु सक्रिय भूमिकायात लुमंकादिसें मरणानुस्मृति पाठ याकूगु जानकारी बियादिल । व लिपा भिक्षु धर्मसामीं मरणानुस्मृति पाठ यानाबिज्यात ।

सुं नं मनु मदय्धुंका: निर्वाणया कामना यासें उगु सूत्र पाठ याय्गु परम्परा नेपा:लिसें भारत, श्रीलङ्का, म्यान्मार, थाइल्याण्डलिसेंया देसय् दु । उगु सूत्र भागवान बुद्ध बिजा बिज्या:गु उपदेशयात पाली भाषाय् च्वयात:गु दु । मृत्युयात



जीवनया शाश्वत सत्यकथं ब्याख्या यासें सीपिन्त पूण्यया कामना याय्गु लिसें मृत्युयात कया: बोध याकेगु उगु सूत्रया मू भाव ख: ।

थ्व स्वयां न्ह्य: जूगु मुँज्यां केन्द्रयात न्ह्य:ने यंकेत मदुम्ह श्रेष्ठं पत्रकारिता व ब्यक्तिगतकथं म्हितादीगु भूमिकायात कया: च्छयादिसें शोक प्रस्ताव पारित या:गु केन्द्रया छ्याञ्जे राजेश बज्राचार्य जानकारी बियादिल । उगु इलय् केन्द्रया न्वकू रामकाजी अवाले, मूख्याञ्जे सुनील महर्जन, दाभिर रामकृष्ण महर्जन, दुज:पिं जयराम ताम्रकार, अनिल महर्जनलिसें विहारया जग्गादाता दशलाल डंगोल, धम्महल नापं बुद्धमूर्ति दाता तीर्थ शाक्य व ध्यानाभ्यासय् दुथ्या:पिं ब्यक्तिपिनिगु उपस्थिति दुगु ख: ।

थ्वहे दथुइ अखिल नेपाल भिक्षु

ल्यं ७ पेजय्

तान्व:या पासो
कुल्फी
भापिया दिसँ ।
Himalayan Ice
धौ दुरु छ्य: बटर व
क्रिम बजारय् उपलब्ध दु
मुर्खिनायक नगरपालिका, वडा नं.: १, सिरुटार घन्सार्, ख्वप
९८४२३५३३३३३, ९८४२३३३३३३३, ९८४२३३३३३३३

बाल हेल्पलाइन-नेपाल
कतौ पनि सल्लाहलिदा
हेल्प, लिंसा दुर्लभवायर, परिचरका, अल वा जीन लोषण जारिप
हराय, फेल पदे, दुर्घटना, अज्ञान-बजार, अपहरण, जोखिमका पदे वा कानुनी
हवा कानुनीसलाहिका सहयोग आवश्यक पदे १०९८ ता २४घण्टा जारी ।
पैसा नलाउने फोन
१०९८
(दश-नौ-आठ)
काठमाडौं विराटनगर पोखरा इलाम नेपालगञ्ज
०१-४२३५३३३३ ०१-४२३३३३३३ ०१-४२३३३३३३ ०१-४२३३३३३३ ०१-४२३३३३३३
१०९८ (दश-नौ-आठ)

सम्पादकीय



धर्मनिरपेक्षतायात कयाः जुयाच्चंगु प्रहार

नेपाः संघीय लोकतान्त्रिक गणतन्त्र देयकथं घोषणाया नापनापं 'हिन्दू राष्ट्र'यात चीकाः धर्मनिरपेक्ष राष्ट्र जूगु खः। थुगु घोषणायात कयाः तत्काल पार्टीया उच्चपदस्थ नेतातयसं विरोध याय्मफूसा आः थुकियात कयाः चाःहिकाः विरोधया अभिव्यक्ति बिया वयाच्चंगु खनेदु।

नेपाः विश्वय् छगुया छगु जक 'हिन्दू राष्ट्र' खः धकाः तथाकथित न्हाय् तपुइका वयाच्चंगुपिन्सं धर्मनिरपेक्ष देश जुइधुंकाः थुकियात कयाः हलिमय् नेपाःया पहिचान हे मन्त धकाः सः तय्यु याना वयाच्चंगु दु। 'एशिया महादेशया जः' (खय्त ला एशियाया जक मखु, फुक्क विश्वय् हे जः जुयाच्चनादीम्ह) म्हस्यूमह गौतम बुद्धया जन्मस्थल नेपाः देय् धकाः म्हसीकेत मछाःपिन्सं हिन्दू राष्ट्रया नामय् राजनीति यानाच्चंगु खः। थुकियात कयाः विशेष यानाः पूर्व पञ्चतय्यु पार्टी 'राष्ट्रिय प्रजातन्त्र पार्टी' विरोधया सः थ्वयका वयाच्चंगु दु। गणतन्त्र व धर्मनिरपेक्षतायात कयाः विरोध याना वयाच्चंगु थुगु पार्टी आः सतकय् हे वयाः 'धर्मनिरपेक्ष राष्ट्र' च्यातःगु ब्यानर हे च्याकेगु ज्या तर्क याःगु दु। थुकिं यानाः नेपालय् दुगु थीथी धर्मयात कयाः गजाःगु बेक्वःगु मिखां स्वयाच्चंगु दु धइगु स्पष्ट जूगु दु।

राष्ट्रिय प्रजातन्त्र पार्टी धर्मनिरपेक्ष राष्ट्रयात कयाः विरोध याना वयाच्चंगु थुकियात मलजल याय्यु ज्या नेपाःया मू पार्टीतयसं याना वयाच्चंगु दु। धर्मनिरपेक्ष राष्ट्रयात कयाः हाकरं जनमत संग्रह याय्याः धकाः नेपाली कांग्रेसया कोइराला नेतातयसं हे इलय्ब्यलय् खँ ल्हवनेगु जक मखु, थीथी सभा सम्मेलनय् हे न्वावाय्यु याना हयाच्चंगु दु। थजाःगु अभिव्यक्तियात कयाः प्रतिक्रिया वल धाःसा थःपिनिगु अजाःगु धापू मखु धकाः स्पष्टीकरण बीगु यानाच्चंगुसां नं बारम्बार थजाःगु 'गल्ती' याय्यु ज्या उमिगु नियति प्रष्ट जुयाच्चंगु खनेदु। अथे हे देशया नेतातय्युत कयाः थीथी विद्युतीय सञ्चार माध्यमय् विरोध यात धाःसा 'साइबर क्राइम' अन्तर्गत तयाः कारवाही याय्यु ज्या जुयाच्चंगु दु, तर नेपाःया संविधानया मर्मयात कयाः सतकय् वयाः प्रहार याःसां थुकियात कयाः 'मखंछु' पहः याय्यु ज्या यानाः हे थुकिया विरोध याइपिन्त हःपाः बीगु ज्या जुयाच्चंगु खः। आः वयाः धर्मनिरपेक्षतायात कयाः खुलेआम सतकय् वयाः विरोध याय्यु ज्या जुल।

नेपाः धर्मनिरपेक्ष राष्ट्र धकाः संविधानं धयाच्चंगुसां नं हिन्दू धर्मयात हे विशेष थाय् बियाच्चंगु दु। मेमेगु धर्मया छु खँ ल्हाय्यु ? गौतम बुद्ध जन्म जूगु थाय् नेपाः देय्या लुम्बिनी व बुद्धधर्मयात कयाः गुकथं विकास व प्रचारप्रसार याय्याःगु खः, उकियात कयाः सरकार न्ह्याबले उदासिन जुयाच्चंगु खनेदु। तर बुद्धया नाम संसारय् 'ल्हाः' फय्यु ज्या धाःसा आःतक नं त्वःतूगु मदुनि, न्ह्यागु पार्टी सरकारय् वःसां नं। थजाःगु अवस्थाय् संविधानं ब्यूगु अधिकारयात संरक्षण यासें नेपाःमितसें नाला वयाच्चंगु थीथी धर्मया अधिकारयात रक्षा यासें धात्थेया 'धर्मनिरपेक्ष राष्ट्र'कथं म्हसीकेत अभि न्ह्याःवनेमाःगु दु। नापं धर्मनिरपेक्ष राष्ट्रयात कयाः जुयाच्चंगु प्रहारपाखें फुक्क धर्मालम्बीत सचेत जुइमाःगु खनेदु।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ। छिकपिंसं छ्वयादीगुयात थुगु वाःपतिइ थाय् बियाच्चना। पिदंगु च्वसुयात उचित पारिश्रमिक बीगु नं सुचं बियाच्चना।

लहना वाःपौ
भोछें, यें

lahana.news@gmail.com

मंकाः संघर्ष बिना अधिकार काय् फइमखु

स्वनिगलय् वयाः शासन यानाच्चंगुपिं मल्ल शासक, शाह खलक व राणाया इलनिसें नेवाःतयसं भाषा, धर्म व संस्कृति रक्षाया नितिं आन्दोलन याःगु खः। राणा व शाहतयसं नं नेवाःतय्यु तसकं शोषण व दमन याःगुलिं नं नेवाःतय्यु अवस्था खराब जुया वनाच्चंगु खः।



डि.आर खइगी

रोम शहर मिं नयाच्चबलय् रोमया जुजु बाँसुरी पुयाच्चन धाःगु बाखं न्यनातयागु दु। शहर मिं नयाः ध्वस्त जुइधुंकाः तिनि बाँसुरीया धुन बन्द जुल। रोमया जुजुथें नेवाःत नं भाषा व संस्कृति म्वाका तय् माः धकाः मस्ती जुयाः मेगु छुं हे बिचाः मयासें लट्ट जुयाच्चंगु खनेदु। अथे धइगु

सिंह सत्ताय् च्वनाः नेवाःतय्यु अस्तित्व रक्षा व आर्थिक अवस्था सुधार याय्युपाखे ध्यान बियावंगु जूसा नेवाःतय्यु अवस्था मस्यनीगु जुइ। गणेशमान सिंह व इलय् खस बर्मूतय्यु मनोविज्ञानयात बालाकक थुइके मफुत। खस बर्मूतय्यु उद्देश्य राजनीतिया नाम देशया सम्पत्ति स्वाहा याय्यु खः धकाः सीके मफुत। खस बर्मूत अति स्वार्थी, जातिवादी धकाः सीके मफुत। गणेशमान अति सिधासाधा जुयाः खस बर्मूतय्यु विश्वास यात। खस बर्मूतय्यु नं सिद्धान्तया राजनीति यानाः न्ह्यु भिजन ज्वनाः देस विकास याइ ला धकाः अति विश्वास याय्यु ज्या यात। जब खस बर्मूतय्यु लहातय् सत्ता वल, उमिसं थःगु जाति बाहेक मेगु जातियात वास्ता मयात। उमिसं खस बर्मूतय्युत फुक्क सरकारी ज्याकुथी मौका बियाः नेवाःतय्यु 'बाइबाइ' यात। अभू ला साधारण पदय् च्वीपं गैर खस कर्मचारीतय्यु

सुविधाय् मोजमस्ती यानाच्चंगु दु। खस बर्मूतय्युसं थःगु पूख्यौली ज्या 'पण्डित्याई' याय्यु त्वःताः राजनीतिक पण्डित जुयाः थःगु लहातय् लाकल पार्टीयात। अथे हे मधेसीत भारतं नियोजितकथं नेपाः छ्वयाः राजनीतिक याकाः ई वल कि तराईया भूभाग अलगा याकेगु ल्याखं राजनीति यानाच्चंगुपिं जातित खः।

बास्तवय् थौया आधुनिक युग धइगु हे विज्ञान व प्रविधिया ई खः। उकिं न्ह्यागु जाति सत्ताय् वंसां नं मेमेगु जातियात पक्षपात याइगु ई मखु। कारण हरेक नागरिक थःगु क्षमता, योग्यता व भिजन ज्वनाः देस विकास याय्यु ह्वःताः बीमाःगु खः। तर नेपालय् अथे मजुसे छगु जाति अर्थात खस बर्मूतय्युसं आदिवासी जनजातितय्युत शासन यानाच्चन। शासन यानाच्चंगु जाति देस विकास याय्यु मस्वःगु जक मखु,



थौया आधुनिक युगय् न्ह्यागु जाति सत्ताय् वंसां नं मेमेगु जातियात पक्षपात याइगु ई मखु। कारण हरेक नागरिक थःगु क्षमता, योग्यता व भिजन ज्वनाः देस विकास याय्यु ह्वःताः बीमाःगु खः। तर नेपालय् अथे मजुसे छगु जाति अर्थात खस बर्मूतय्युसं आदिवासी जनजातितय्युत शासन यानाच्चन। शासन यानाच्चंगु जाति देस विकास याय्यु मस्वःगु जक मखु, देसया सम्पत्ति स्वाहा याय्युकथं राजनीति यानाच्चंगु दु। धार्थे खस बर्मू व मधेसी निगू जातिं जक शासन यानाच्चन धाःसा देशया आदिवासी नेवाःतय्यु अवस्था अति नाजुक अवस्थाय् लाइगु स्वभाविक खः।

नेवाःतय्युसं राजनीतिककथं चेतनशील जुइगु कुतः यानाच्चंगु खनेदु। जब राजनीतिककथं चेतनशील जुइ, अलय् जक भीगु स्थिति छु जुयाच्चंगु दु ? भी गन लानाच्चंगु दु ? भी गन वनेमाःगु खः ? धइगु थःम्हं सीके फइ। गुलि गुलि भाषा व संस्कृति म्वाकातय्याः धकाः मस्त जुयाच्चनी, उलि हे नेवाःतय्यु अवस्था नं स्थना वनाच्चंगु दु। जब आर्थिककथं कमजोर जुयावनी, वास्तविक राजनीतियात थुइके फइमखु, अवश्य नं जाति विस्थापित जुइत बाध्य जुइमाली। नेवाःतय्यु अवस्था नं अथे हे जुयाच्चंगु दु। आर्थिक व राजनीतिक अवस्थाया बालाकक थुइके मफुगु हुनिं नेवाःत भन्भन् विस्थापित जुजुं वनेमाल। खस बर्मू व मधेसीपाखें स्वनिगःया जग्गा जमीन कब्जा यानाः नेवाःतय्यु विस्थापित याय्यु रणनीति हिंताच्चंगु दु। नेवाःतय्युसं धाःसा थःगु छँ बुँ मिया वनाच्चंगु दुसा थ्वया नापनापं छँ बालं तयाः जीवन हनाच्चंगु दु। कारण नेवाःतय्यु लजगा धमाधम गैर नेवाःतय्युसं लाका यंकुलिं खः।

वि.सं. २०४० साल न्ह्यःतक नेवाःतय्यु लहातय् ब्यापार, उद्योग व सरकारी नोकरी अचः दुगु खः। उकिं उगु इलय् नेवाःतय्यु अवस्था बांमलाः मजू। जब २०४६ सालय् जनआन्दोलन ताःलाय् धुंकाः नेवाःतय्यु अवस्था स्थनावंगु खनेदु। यदि २०४६ सालया आन्दोलनया नेतृत्व याःम्ह नेवाः गणेशमान

तक नं चीकाः फुक्क क्षेत्रय् कब्जा यायां वन। स्वनिगलय् वयाः शासन यानाच्चंगुपिं मल्ल शासक, शाह खलक व राणाया इलनिसें नेवाःतय्युसं भाषा, धर्म व संस्कृति रक्षाया नितिं आन्दोलन याःगु खः। राणा व शाहतय्युसं नेवाःतय्यु तसकं शोषण व दमन याःगुलिं नं नेवाःतय्यु अवस्था खराब जुया वनाच्चंगु खः। व इलय् नेवाः न्ह्यलुवातय्युसं नेवाःतय्युत सशक्त ढंगं छपँ यानाः आन्दोलनय् क्वकय् मफुगुलिं शासक वर्ग याउँक हे दमन यात। नेवाः न्ह्यलुवातय्युसं ईकथं राजनीति व रणनीतिइ ह्युपाः हय्याःगु खः।

न्हापां राणा व शाहया पालय् भाषा, धर्म व संस्कृति रक्षाया नितिं जक आन्दोलन याय्यु पाय्छि खने दयाच्चंगु खः। छायाःसा व इलय् गैर नेवाःतय्यु उपस्थिति स्वनिगलय् तसकं हे म्हो जक खनेदुगुलिं खः। थ्व हे हुनिं यानाः स्वनिगःया आपालं उद्योग, ब्यापार व सरकारी नोकरी नेवाःतय्यु लहातय् लानाच्चंगु खःसा नेवाःतय्यु अवस्था उलि स्यंगु खनेदु। तर २०४६ सालया जनआन्दोलन लिपा खस बर्मूतय्युसं स्वनिगलय् स्थानीयबासीतय्युत अल्पमतय् लाका वनेगु ल्याखं राजनीति याःगु खनेदुसा स्वनिगलय् नेवाःतय्युसं यानाच्चंगु लजगाः व सरकारी नोकरीइ थःपिनिगु लाग्ना विस्तार यायां वंगु खनेदु।

भीसें खनाच्चनागु दु कि निगू शक्ति खस बर्मू व मधेसीत राजनीतिककथं राज्यया

देसया सम्पत्ति स्वाहा याय्युकथं राजनीति यानाच्चंगु दु। धार्थे खस बर्मू व मधेसी निगू जातिं जक शासन यानाच्चन धाःसा देशया आदिवासी नेवाःतय्यु अवस्था अति नाजुक अवस्थाय् लाइगु स्वभाविक खः। वया नापनापं देसयात हे कुचा याइमखु धाय् मफु। अथे जुगुलिं आदिवासी जनजाति व नेवाःत राजनीतिककथं सचेत जुयाः थःगु अधिकारया नितिं संघर्ष याय्याःगु अति आवश्यक जुइधुंकल। नेवाःत व मेमेगु आदिवासी जनजातित छपँ जुइमफूगु छता कारण मध्ये थ्व नं खः कि खालि भाषा, धर्म व संस्कृतियात जक बः बियाः राजनीतिक अधिकार ल्वःमंकाच्चंगुलिं खः। यदि राजनीतिककथं सचेत जुइफूगु जूसा अवश्य नं फुक्क छधी छपँ जुयाः राज्यया सुविधा व अधिकार प्राप्तिया नितिं न्ह्यज्याइगु खः।

यदि नेपाःया राजनीतियात गहिराइलय् वनाः अध्ययनया याना स्वलधाःसा नेवःत पीडित जुयाच्चनेमाःगु निगू कारण खनेदु। छगु ला शासक वर्गपाखें पीडित जुयाच्चनेमाःगु ला अवश्य नं खत, मेगु कारण नेवाः नेतातय्यु नं कमि कमजोरी खनेदु। अथे धइगु शासकवर्गया नीति हे जुल स्वनिगःवासीतय्युत अधिकारहीन यानाः दुःख बीगु। मेगु नेवाः नेतातय्युसं नं शासकवर्गया कुनीतियात सशक्त ढंगं विरोध याना वनेमाःगु खः, तर अथे मजुयाच्चंगुलिं नेवाःत भन्भन् पीगु जुजुं वनाच्चंगु खः।

नेपाःया पत्रकारिताया कीर्तिमानी व्यक्तित्व - पुष्करलाल श्रेष्ठ

पुष्कर माथेमा

पत्रकारितायात हे 'व्यापार' याःपिं वा पत्रकारिता त्वःता व्यापार याःपिं यक्वं दु तर बाँलाक्क न्ह्यानाच्चंगु पुष्करलाल बनेज्या त्वःता पत्रकारितायात थःगु मू लजगाकथं क्यःच्याःपिं म्हवहे जक दु । दय्कातःगु दबुलिइ प्याखं हुलीपिं यक्वं दु तर थम्हं हे दबू दय्का प्याखं हुलेत स्वईपिं म्हव हे जक दु । व्यावसायिक पत्रकारितायात सुथां लाक न्ह्याकेगु थःहे छगु चुनौति खः, थ्व चुनौतिपाखें बिस्वुं वीपिं यक्वं दु तर अजाःगु चुनौतियात हे बिस्काः थःगु ख्यलय् धिसिलाक्क दनेफुपिं म्हव हे जक दु । अजाःपिं 'म्हव हे जक दईपिं' मनुतमध्ये छम्ह खः' - वरिष्ठ पत्रकार पुष्करलाल श्रेष्ठ । वय्कलं पत्रकारिताया निर्मित पत्रकारिता जक यानामदी, पत्रकारिताया नाम्य् छु समर्पित साधना यानादिल; हाथ्यातय् न्ह्यःने बुनामदी, हाथ्यातय्त बुकादिल; अले नेपाःया मूलधार पत्रकारिताया ख्यलय् छम्ह नेवाः या उपस्थिति धिसिलाक्क न्ह्यब्यादिल ।

नेपालय् विशिष्टीकृत पत्रकारिताया लहर मवःनिबलय् 'कामना' पत्रिकापाखें मनोरञ्जन पत्रकारिता न्ह्याकाः साहसिक प्रयोगया श्रीगणेश यानादीम्ह लुमकेबहःम्ह पत्रकार पुष्करलाल स्वीन्यादया पत्रकारिताया जीवनया भ्रूलय् यक्वं न्हू न्हूगु प्रयोग यानादिल । 'कामना' सिबें न्ह्यःने मनोरञ्जन विधाया पत्रिकात पिहौमवःगु मखु, अले 'कामना' या प्रकाशनलिपा नं थ्व ख्यलय् न्हू न्हूगु पत्रिका पिहौवयौतुं च्वंगु दु तर न्ह्यः पिहौवःपिं इतिहास जुइधुकल धाःसा ल्यू पिहौवःपिं 'कामना' या नक्कल जक जुयाच्चंगु दु । वय्कःया पहिचाननाप हे स्वाःगु 'कामना' पत्रिका मनोरञ्जन पत्रकारिताय् जक छगु न्हूगु इतिहास धस्वाक्क मखसे साजसज्जाया दृष्टिकोण नं व पत्रिका छु 'ब्रेकथ्रू' खः । कलाकार अशोक मनासिया ग्वाहालिं वय्कलं 'कामना'य् बव्यादीगु साजसज्जा नेपाःया पत्रकारिताया सन्दर्भय् न्हूगु प्रयोग जक मखसे छु क्रान्ति हे धाःसा हुँ मपाः ।

अथेहे सुथय् जक अखबार पिकाय्गु



भारत चाःहिलेगु भ्रूलय् केरलाय् निम्ह पुष्कर ।

अभ्यास दूगु नेपाःया पत्रकारिता ख्यलय् सन्याकाःइलय् पिहौवइगु 'महानगर' न्हिपौ पिकाना मेगु न्हूगु अभ्यास वय्कलं न्ह्याकादिल । २०५२ सालय् 'आजको समाचारपत्र' (लिपा नां हिला 'नेपाल समाचारपत्र' जुगु) न्हिपौ पिकानादीम्ह वय्कलं यँया नापनाप विराटनगरं पत्रिका छापेयाना नेपाःदुनै निथासं पत्रिका पिकाःम्ह न्हापांम्ह प्रकाशक जुयादिल धाःसा न्हिपौया विदेशी संस्करण पिकाय्गु भ्रूलय् नं वय्क हे न्ह्यलुवा खः ।

यँया अबलया स्तरीय व्यापार केन्द्र विशालबजारया साहुजिपिं गुलिं म्हस्यू गुलिं म्हमस्यू, पुष्कर दाइ पत्रकारिताया खललय् दुहाँ मभाःगु जूसा वय्कः जिगु निर्मित 'म्हमस्यूपिं साहुजिपिं' मध्ये छम्ह हे जक जुइगु खः । तर २०४१ सालय् पिदंगु 'कामना' पत्रिका वय्कःयात छम्ह कर्मशील सञ्चारकर्मीकथं जितः म्हासिकाबिल । भौतिक रुपं म्हमस्युनिनां जि अबलय् हे वय्कःया प्रशंसक जुइधुनागु खः - न्हूपःया पत्रिकाया पिकाकःकथं, कमजोर बजारया दथुइ नं पत्रिका पिथनायात व्यावसायिकता विइफुम्ह सञ्चार व्यवस्थापक कथं, अले 'सगुन' उपनामं च्वइम्ह पत्रकारकथं ।

पत्रकारिताया ख्यलय् भराय् धंगु योगदान यानाः नं गम्भीर तर शिष्ट व सामान्य आवरणं थःयात तपुयाः जीवन हनादीम्ह कीर्तिमानी व्यक्तित्व पुष्कर दाइया यात्रा वंगु बुधबाः पूवन । मूलधारया पत्रकारिताय् छम्ह नेवाःया धिसिलागु उपस्थिति क्यनेगु भ्रूलय् वय्कलं यानादीगु सङ्घर्ष व साधनापाखें प्रेरित जुइगु यात्रा आः भीसं न्ह्याकेमाःगु दु ।

वय्कनापया न्हापांगु सम्पर्क सूत्र जुयादिल - गोरखापत्रया जिम्ह सहकर्मी आनन्दराम आचार्य । वय्कलं नं इलय् व्वलय् 'कामना'य् च्वयगु यानादीगु जुयाच्चन । २०४८ सालपाखे जि नं गोरखापत्रय् मनोरञ्जनसम्बन्धी स्तम्भ च्वयाच्चनागु । छन्हु वय्कलं मनोरञ्जन पत्रकारिता याय्गु खःसा 'कामना' नं च्वःसा ज्युनि धकाः

पुष्कर दाइ नापलाके यकादिल । चिकंभूया अट्कोनारायण स्थानय् वय्कःया हे छँय् छेल्ली तयातःगु 'कामना' या ज्याकुथी पुष्कर दाइयात दकलय् न्हापां प्रत्यक्ष म्हस्युगु खः । व हे इलय् वय्कलं चार्लि च्याप्लिनया बारे छु च्वसू च्वयत इनाप यानादिल । वय्कः थम्ह हे च्वसूया निर्मित इनाप यानादय्बलय् दंग जुयागु खः जि । च्वया, मेगु हे ल्याखय् पिहौवल । अले वय्कः थम्ह हे सःताः छपाः पत्रिका व छपाः खाम बियादिल । व खामय् निसः तका दूगु जुयाच्चन - निजी क्षेत्रया पत्रिकापाखें जिगु ल्हातय् लाःगु न्हापांगु पारिश्रमिक ।

दथु दथुइ इलय् व्यलय् औपचारिक अनौपचारिक नापलायगु जूसां वय्कःयात नजिकं म्हासीकेगु अवसर २०७० सालया पुसय् त्यनि चूलात । भारतीय राजदूतावासं अबलय् नेपाःया १३म्ह प्रधान सम्पादकपिन्त भारतया स्वंगु शहर अमृतसर, न्हूदिल्ली व केरला चाःहिकेयंकूगु । व पुचलय् मेमेपिनापं निम्ह पुष्कर नं दुथ्यागु खः - छम्ह नेपाल समाचारपत्रया प्रधान सम्पादक पुष्कर दाइ व मेम्ह गोरखापत्रया प्रधान सम्पादक जि ।

छवाःया व सहयात्राया क्रमय् औपचारिककथं म्हासिकातयाम्ह पुष्कर दाइयात अनौपचारिक कथं नजिकं म्हासीके

दत । नेपाःया पत्रकारिता ख्यलय् न्हू न्हूगु इतिहास सिर्जना याःम्ह छम्ह सञ्चारसाधकया दुने बिलिबिलि जायाच्चंगु शालिनता, करिब सच्छि देय् चाःहिलाः ब्वलंगु परिपक्वता, अले नेपालभाषा पत्रकारितायात कया च्यूता सकतां जिं वय्कःया दुने अबलय् हे खंके खन । भचा 'इन्टोभर्ट' स्वभावया हुनिं मेमेपिं पत्रकारत नाप उलि भ्यलेपुनेमफ वय्कः, अले जिनाप हे अप्ठ्यै च्वनादीगु, जुयादीगु, खं ल्हानादीगु । जिगुनिर्मित व छवाः वय्कःयात दुय्यक म्हासीकेगु बाँलागु अवसर जुल ।

म्यागेजिन पत्रकारिता दैनिक पत्रकारिताय् प्रवेशयात थःगु महत्वाकाङ्क्षाकथं स्वीकार यानादिसँ वय्कलं दिकेहेमाःगु अवस्थाय् नं थःगु व्यावसायिक कुशलताया छ्यला तसकं थाक्क व न्हिपौयात म्वाकातय्फूगुलिं सन्तुष्टि व्यक्त यानादीगु आतकं जितः भलभल वःनि । अबलय् जिं नेपालभासाय् नं छपाः ब्रोडसिट पिकाय्मफइला धकाः खं न्ह्यथनाबलय् फिसक्क न्हिला वय्कलं धयादीगु खः - "माःगुला खःनि मफइगु नं मखु तर सुनां ग्वाहालि याई ? भ्नीदथुइ बाँलागु ज्यायात प्रोत्साहन बीगुसिबें तुतिसालेगु प्रवृत्ति भचा अप्ठ्ययावःगु दु ।"

वय्कःया थ्व धापलिं नेवाः समुदायात कयाः च्यूता क्यनाच्चपिंसं आत्मसमीक्षा याय्माःगु अवस्था वःगु खःला धइगु खँय् ध्यानाकर्षण याःगु जिं ताय्काः । न्हूदया आन्दोलनय् तःदतक वय्कलं विशेषाङ्क पिथनादिल, नेवाः गतिविधिबारे दकलय् अप्ठ्यः बुखं नेपाल समाचारपत्रय् हे पिहौवल । नेवाः मुदायात मूलधारया पत्रकारिताय् यंकेगुसन्दर्भय् नेपाल समाचारपत्रया भूमिकायात गुं नं ल्याखं म्हव ताय्के मछि । थ्व पक्षया मूल्याङ्कन नेवाः ख्यलय् याःगु दु या मदु - थ्व नं छु समीक्षा याय्माःगु खं खः ।


पत्रकारिताया ख्यलय् भरायधंगु योगदान यानाः नं गम्भीर तर शिष्ट व सामान्य आवरणं थःयात तपुयाः जीवन हनादीम्ह कीर्तिमानी व्यक्तित्व पुष्कर दाइया यात्रा वंगु बुधबाः पूवन । मूलधारया पत्रकारिताय् छम्ह नेवाःया धिसिलागु उपस्थिति क्यनेगु भ्रूलय् वय्कलं यानादीगु सङ्घर्ष व साधनापाखें प्रेरित जुइगु यात्रा आः भीसं न्ह्याकेमाःगु दु ।



Sweet Cave
(जीवन दाइया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्याटारिङ पनि गरिन्छ ।

नेपाल राष्ट्र बैंकको ६४ औं वार्षिकोत्सवको उपलक्ष्यमा प्रभावकारी मौद्रिक नीतिको तर्जुमा तथा कार्यान्वयन मार्फत कुशल र सुशासित वित्तीय प्रणालीको विकास एवम् समग्र वित्तीय स्थायित्व कायम गरी मुलुकले परिलक्षित गरेको समन्यायिक, समावेशी र दिगो आर्थिक विकासको लक्ष्य प्राप्तिलाई सहयोग पुऱ्याउन सदा समर्पित रहने प्रण गर्दछौं ।



नेपाल राष्ट्र बैंक

आयो नून खाउँ स्वस्थ रहौ



गाउँसम्म आयो, 'आयो नून' यसले लगायती घरे गून

आयोडिनको कमीबाट हुने विकृतिहरूः

१. गर्भ तुल्लि, पुत भिगु जन्मिने, अठ भन्ने भएको भिगु जन्मिने, जन्मेको भिगु बोडे मर्न सक्ने ।
२. बच्चाहरू बहिर, लटा, लटेउग, बागमुदके, केको अरि हुन सक्ने ।
३. पढाइमा कमजोर भई पढक फेल हुनुको साथै खेलकुदमा समेत पछाडि परसक्ने ।
४. गलगीड आउने, सुरामनाथिर्न हुने ।
५. आयोडिनको कमीले I.Q Level कम हुने ।
६. आयोडिनको कमी बापत गरिनुपर्ने आलस्य आउने, काम गर्ने क्षमतामा कमी आउने ।
७. आयोडिनको कमीबाट गर्भसङ्कुले दुप कम हुने ।
८. आयोडिनको कमीबाट हुने विकृतिहरूः उपचार गरेर हटाउन सकिनेन । त्यस्ता विकृति आउन नदिन एकमात्र उपाय आवै देश अयोडिनयुक्त बालबालिकाको चिन्ह अंकित पाकेको तनु मात्र प्रयोग गरौ ।

साल ट्रेडिङ कर्पोरेशन लिमिटेड
केन्द्रीय कार्यालयः पो.ब.नं.: ४८३, कालिमाटी, काठमाडौं, नेपाल, फोन नं. ४२७०३१५
४२७०१४, ४२७१२०८, फ्याक्स नं.: ९७७-४-४२७१७०४, ४२७१३१५

ज्यापुनी इन्दु, कलाकार
किपा : नृपेंद्रलाल श्रेष्ठ

हलना
LATHANA WEEKLY





नाँ : ब्यापुनी इन्दु
माँ : दुर्गा नेपाली
अबु : ईन्द्र बहादुर नेपाली
थायबायू : इमाडोल, महालक्ष्मी नगरपालिका
लजगाः : समाजसेवी व कलाकार

आबुद संघसंस्था

केन्द्रीय दुर्ज, संघीय सांस्कृतिक महासंघ

सम्मान व सिरपा:

पावर न्यूज अवाईपाखे उत्कृष्ट मोडलपाखे सम्मानित लिसं शीथी
संघसंस्थापाखे सम्मानित



नेपालं थःगु स्तर मेमेगु देस स्वयां तसकं च्वय लाःगु धइगु क्यनाबिल । वा वःगुलिं स्वंगु युएइया कासा बाहेक मेगु फुक्क कासाय विपक्षी टिमं नेपाःया न्हयःने याउँक हे पुलिं चूगु खः । तर युएइ विरुद्धया कासाय नेपाःयात भाग्यं साथ मब्यूगुलिं नेपाः तःधंगु हवःताःपाखें बञ्चित जुइमाल ।



आइसीसी यु-१९ विश्वकप छनोट कासा

नेपाःयात भाग्यं साथ मबिल



प्रजित शाक्य

नेपाःया युवा पुचलं थुगु वालय मलेसियाय जूगु आइसीसी यु-१९ विश्वकप छनोट छनोट चरण पार याय मफुत । नेपाःयात सन् २०२०य दक्षिण अफ्रिकाय जुइगु युवा विश्वकपय म्हितीगु मू दावेदारकथं कयातःगु खः । तर नेपाःयात निराश यासैं संयुक्त अरब इमिरेट्स विश्वकपय थाय दयकेत ताःलात । तर नेपाःया विश्वकपय छनोट मजगु मू हुनि संयुक्त अरब इमिरेट्स (यूएई) मखुसे वा वःगुलिं खः ।

धाइ, क्रिकेट अनिश्चितताया कासा खः । थ्व धापू आइसीसी यु-१९ विश्वकप छनोट कासाय लागू जुल । नेपालं न्यागू कासामध्ये प्यंगू कासा त्यकाः उपाविजेता जुल । नेपाः युएईलसे जक कासा बगु खः । अथे खःसां

नेपाःया उगु पराजय युएइया भाग्य बल्लाःगुलिं जक प्राप्त जूगु खः धाःसां पाइमखु । थुगु कासाय ब्वति काःगु ६गु पुचः मध्ये विजेत पुचः जक विश्वकपय छनोट जुइगु प्रावधान दुगु खः ।

कासाया निगू बल्लाःगु पुचः दथुइ जूगु धेधेबल्लाय नेपालं युएइयात २४८गू रनया लक्ष ब्यूगु खः । उगु लक्ष पूर्वकेगु इवलय युएई ३०गू ओभरय स्वंगू विकेट तंकाः १२२गू रन दयकूगु इलय कासा दित, वा वःगुलिं । व लिपा कासा न्हयाय मफुत व 'डकवर्थ लुइस'या नियमकथं निगू टिम दथुइया स्कोरया हिसावकिताव यात । गुी नेपाः १गू रन ल्यूने लात । यदि कासा पूर्वक हे न्हयाःगु खःसा नेपाः त्याइगु सम्भावना यक्व दुगु खः । वा वःगुलिं कासा दिनाच्चंगु इलय तक नेपाःया बलरत हावी जुयाच्चंगु खः । न्यागू कासालिपा च्याम्पियन युएइ स्वयां नेपाःया रनरेट बांलाःसा न वयाः नेपाःयात लाकूगु लिच्वःयात कयाः अनुमान यायफइ ।

उगु कासा लिपा नेपाः न्हयःने वनेगु निर्मित स्वंगू कासाय युएइया पराजयया कामना यायमाःगु स्थिति वल, तर युएई ल्यंदनीगु फुक्क कासा त्याकाः थःत विश्वकप म्हितीगु निर्मित 'थोग्य' सावित यात । नेपाः लगातार निक्वःखुसी युवा विश्वकपय छनोट जुइत ताःमलात । नेपाः न्हयक्वःतक यु-१९ विश्वकप म्हितीगु देस खः । थुगुने अफगानिस्तान विश्वकप म्हितीगु निर्मित नेपाः स्वयां हकदार जूगु खः । तर थुगुसिया कासाय नेपाः हकदार जूगु इलय न दुर्भाग्यं यानाः विश्वकप म्हितीगुपाखें बञ्चित जुल ।

छगू इलय 'टेष्ट' म्हितीगु देस बाहेक एसियाली उमेर पुचःया क्रिकेटय नेपाःया छवि 'अजय टिम'कथं जुयाच्चंगु खः । युवा विश्वकपय न सन् २०००य केन्या, सन् २००२य पाकिस्तान व बङ्गलादेश, सन् २००४य दक्षिण अफ्रिकायात

बुकूगु नेपालं सन् २००६या संस्करणय ला नेपालं आयरल्याण्डलिसें दक्षिण अफ्रिका व न्यूजिल्याण्ड थेंजाःगु टेष्ट म्हितीगु देसया युवा टिमयात धरापय लाकूगु खः । सन् २००० निसें २००८तक नेपालं मदिक्क न्याक्वःतक यु-१९ विश्वकप म्हितीगु खः । तर सन् २०१० लिपा हरेक निर्देय जुइगु युवा विश्वकपय नेपाः निक्वः जक म्हितीगु खः । नेपाः थुगुसी न विश्वकप म्हितीगु अभियान ताःमलात ।

मलेसिया वने न्हयः नेपालं भारतय बांलाक्क अभ्यास याःगु खः । थुगुसी अफगानिस्तान 'टेष्ट म्हितीगु देय'या हैसियत तय्यक हे विश्वकपय म्हितीगु जूगुलिं नेपाःयात थुगुसि यात्रा अःपुइगु अनुमान याःगु खः ।

नेपालं थःगु स्तर मेमेगु देस स्वयां तसकं च्वय लाःगु धइगु क्यनाबिल । वा वःगुलिं स्वंगु युएइया कासा बाहेक मेगु फुक्क कासाय विपक्षी टिमं नेपाःया न्हयःने याउँक हे पुलिं चूगु खः । तर युएइ विरुद्धया कासाय नेपाःयात भाग्यं साथ मब्यूगुलिं नेपाः तःधंगु हवःताःपाखें बञ्चित जुइमाल । उगु कासाय नेपाः व युएइ बाहेक कुवेत, मलेसिया, ओमान व सिङ्गापुरया ब्वति दुगु खः ।

ब्यक्तिगत ब्वज्या स्वयंगु खःसा न कप्तान रोहित पौडेल कासाजःछि दकलय अप्वः रन दयकूह ब्याट्सम्यान जुल । रोहित प्रति पालि ६४.४गू रनया औसतय मुक्कं १९.४गू रन दयकल । पवन सराफ ब्याट व बल निगुलिं ख्यलय तसकं बांलाक्क 'अलराउण्ड' ब्वज्या यात । प्रारम्भिक ब्याट्सम्यान रित गौतम न मुक्कं १५६गू रन दयकाः थःगु प्रतिभा न्हयब्वल । बलिङ्गय न पवन सराफया नापनाप कुशल मल्ल, सूर्य तामाङ्ग थेंजाःपिं स्पिनर बांलाक्क कासा न्हयब्वल । तर 'तेज बलर'पिं कमलसिं ऐर व रसिद खानया ब्वज्या धाःसा ठीकठाक जक जुल ।

(क) व्यापारी त्यासा
(ख) हायरपचेज त्यासा
(ग) आवासीय त्यासा



(घ) शेयर त्यासा
(ङ) मुद्दी रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.

हवनाछैं, पाको, न्हूसतक, येँ, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७



राम प्रजापति
प्रोप्राइटर

हार्ती मिठाई भण्डार
(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।

सम्पदा पदयात्रां स्वायुगु
'गुरुयोजना' बिमोचन



२२सः मिटरया दुने निगू विश्व सम्पदा क्षेत्र स्वयम्भू व हनुमानध्वाखा दरबार क्षेत्रयात सम्पदा पदयात्रां स्वायुगु गुरुयोजनाकथं यैँ महानगरपालिकाया प्रमुख बिद्यासुन्दर शाक्य स्वयम्भू भुइख्यःनिसेँ हनुमानध्वाखा दरबार क्षेत्रतक जुइगु न्यालीया उलेज्या यानादिल ।

न्यालि लिला हनुमानध्वाखाय जुगु ज्याइवल्य यैँ महानगरपालिकाया प्रमुख बिद्यासुन्दर शाक्य, प्रतिनिधिसभाया सांसद कृष्णगोपाल श्रेष्ठ, ३ न. प्रदेशसभाया सांसदीपं राजेश शाक्य, डा. अजयक्रान्ति शाक्य सम्पदा पदयात्रां स्वायुगु गुरुयोजनाया मंकाःकथं बिमोचन यानादीगु खः ।

बुंगाःचा मुना सफू पितब्वज्या



देगः मिहचा सफूया ग्वसालय साहित्यकार धर्मराज राजकर्णिकारया च्वसाय 'बुंगाःचा' हाइकु छगू ज्याइवःया दथुइ सफू पितब्वज्या जुल ।

ज्याइवल्य मूपाहाँ वाइमय शताब्दी पुरुषालिसेँ वरिष्ठ संस्कृतिविद् डा. सत्यमोहन जोशी, नेपाल ललितकला प्रज्ञा प्रतिष्ठानया कुलपति वरिष्ठ कलाकार के के कर्माचार्य, समालोचक ईन्द्र माली व देगः मिहचा सफूया नायः भरत सायुमिं मंकाःकथं

पितब्वज्या यानादीगु खः ।

भरत सायुमिया सभाध्यक्षताय न्ह्याःगु उगु ज्याइवल्य मूपाहाँ शताब्दी पुरुष डा. जोशी, समालोचक ईन्द्र माली व प्रा. नर्मदेश्वर प्रधानपिन्स थःथगु नुगःखँ तयादीगु खः ।

रीता महर्जनं न्ह्याकादीगु ज्याइवल्य सफू च्वमि धर्मराज कर्णिकारं सुभाय देहानादीगु खःसा रत्न शोभा महर्जन व सुमन कपालीपिंस हाइकु म्ये हालादीगु खः ।



कर्ण सकारात्मक
कोषया वेबसाइट व
मोबाइल एप्स पिहां वल



न्ह्यागुकथंया बिकासया नितिं नं सकारात्मक सोचया तःधंगु ल्हाः दइ धइगु तातुनां निदँ न्ह्यः नीस्वंगु "कर्ण सकारात्मक कोष"या वेबसाइट व मोबाइल एप्स शुरु याःगु दु ।

पर्यटन व्यवसायी व सकारात्मक सोचया अभियन्ता च्वमि कर्ण शाक्यया ७६दँया बुदिंया लसताय जुगु उगु ज्याइवल्य पठताभिभ नांयागु वेबसाइट शुरु याःगु खः ।

उगु ज्याइवल्य कर्ण सकारात्मक कोषया संरक्षक कर्ण शाक्य थः दुने सकारात्मक सोच गथे जुया वल धयादीसे थः जीवन धुंकाया जीवन मालाच्वनागु खँ कनादीगु खःसा वेबसाइट डिजाइनर दीपेश शाक्य, 'कर्ण सकारात्मक कोष'या दुजः अन्तिम गुरुङ, पुलांम्ह गभर्नर दिपेन्द्र पुरुष ढकालपिन्सं नं नुगःखँ तयादीगु खः ।

क्षमता विकास तालिम क्वचाल

नेवाः ग्वाहालि पुचः न्ह्योखा त्वाःया ग्वसालय क्षमता विकास यायुगु तातुनां छ्वाःया उद्घोषण व न्वचु कला तालिम जुल ।

उगु तालिम समापन ज्याइवल्य नेवाः न्ह्यलुवा डा. महेशमान श्रेष्ठ मनुतयुगु क्षमता न्ह्यब्वयत स्पष्ट व सिलसिला मिले याना न्ववायुगु तसक आवश्यक जुगु धयादिसे नेपाली समाजयुगु मिसापिन्सं न्ववायुगु कमजोरं यानाः

आपालं अवसरपाखें बच्चत जुयाच्वंगु धयादिल ।

पुचःया नायः विमला मानन्धरया संयोजकत्वयुगु जुगु उगु तालिम ज्याइवल्य सञ्चारकःमि केके मानन्धर प्रशिक्षण बिद्यादीगु खःसा तालिमयुगु चिकित्सक, समाजसेवी, व्यवसायी, स्कूल व कलेजया विद्यार्थीपिन्सं ब्वति कयादीगु खः ।

तालिम वंगु चैत्र २३गतेनिसेँ छ्वाःयंक जुगु खः ।

मदुम्ह भिक्षु...

अथे हे अखिल नेपाल भिक्षु महासंघया नायःलिसेँ श्रद्धाञ्जली सभाया सभानायः भिक्षु मैत्री महास्थविरं थः व भिक्षु अश्वघोष निम्ह समकालिन अर्थात भिक्षु अमृतानन्दया शिष्य जुगु व नेपालयुगु बुद्धधर्म प्रचारप्रसारया नितिं न्ह्युपुस्ता तयार यायत तालिम केन्द्रया आवश्यकतायात कयाः वाः चायुकाः संघाराम विहारलिसेँ थीथी तालिम केन्द्रया पलिस्था याःगु खँ लुमकाबिज्यात । उगु सभायुगु भिक्षु कौण्डिन्य महास्थविरं बुद्धधर्मयात सैद्धान्तिककथं अध्ययन यायुगु परम्परायात त्वाःथलाः बुद्धधर्मयात कयाः व्यवहारिक लिसेँ स्वतन्त्र चिन्तन अभ्यास यायुगुपाखें न्ह्याःवनेगु परम्पराया विकास याना बिज्याःगु धयादिल ।

गुणानुस्मरण व श्रद्धाञ्जली सभायुगु थःगु नुगःखँ तयगु इवल्य लुम्बिनी बिकास कोषया पुलांम्ह सदस्य सचिवालिसेँ बुटवल नगरपालिकाया पुलांम्ह उप-प्रमुख

बिमलबहादुर शाक्य भिक्षु अश्वघोषया याना बिज्याइगु ज्याया शैलीयात कयाः च्छायादिसेँ ज्या याइवल्य न्ह्याबलेँ नैतिकता व जवाफदेहिता दयुमाःगु खँय बः बिद्या बिज्याइगु खँ धयादिल । शाक्य लुम्बिनी बिकासया नितिं वःगु धेबा बिकासया नितिं हे छ्यलेमाःगु खँ धयाबिज्याम्ह भन्ते अश्वघोष कमिशनयात कयाः निर्मूलीकरण याना वनेमाःगु खँय न्ह्यज्यानादीम्ह कथं चित्रण यानादिल । भन्ते अश्वघोष लुम्बिनी बिकास कोषया ज्या समयतालिकाकथं ज्या याना बिज्याइम्ह शाक्यया धापू खः । लुमकेबहःजू भिक्षु अश्वघोष महास्थविर लुम्बिनी बिकास कोषया उपाध्यक्ष जुया बिज्याःगु इलयुगु शाक्य सदस्य-सचिवयुगु नियुक्त जुयादीगु खः । ज्याइवल्य बौद्ध विद्वान प्रा. सुवर्ण शाक्य भिक्षु अश्वघोषया व्यवहारिकता, लेखन शैलिलिसेँ नेपालभाषायुगु बिद्या बिज्याःगु योगदानलिसेँ थीथी पक्षयात कयाः

चर्चा यानादिल ।

भिक्षु अश्वघोष महास्थविरया लुमनिदइ जुगु गुणानुस्मरण व श्रदाजलि सभायुगु भिक्षु जाणपूर्णक महास्थविरं पञ्चशील लःल्हाना बिज्याःगु खः । ज्याइवल्य भिक्षुपिं, गुरुमापिं व उपासिका उपासिकापिं व थीथी संघ सस्थाया प्रतिधिनिपिं उपस्थित दुगु खः ।

श्रेष्ठ...

महासंघया मुख्याञ्जे भिक्षु कौण्डिन्य 'आवाजविहीन आवाज' जुइमाःगु पत्रकारिताया मूलभूत मान्यतायात नालाः न्ह्याबलेँ निष्ठावान जुयादीम्ह वरिष्ठ पत्रकार श्रेष्ठ मत्यवं मदुगुलिं फुक्कासगु सःयात पत्रकारितायुगु कयुच्याना यंकेगु ज्यायुगु अपूरणीय क्षति जुगु धयाबिज्यात । मदुम्ह श्रेष्ठया शोक पुस्तिकायुगु भिक्षु कौण्डिन्य च्वयाबिज्यात, 'मदुम्ह श्रेष्ठया सुगति या कामना यासेँ निर्वाणया कामना यानाच्वना ।'



'सः छगू फरक अभिव्यक्ति'इ
चिबाखं ब्वनेज्या

'छगू फरक अभिव्यक्ति'या ग्वसालय चिबाखं ब्वनेज्या जुल । उगु ज्याइवल्य महेंद्र गोपाल कर्माचार्य, समान्त श्रेष्ठ, दिल बहादुर तुयुपुं स्वम्हेस्या थःथःगु न्यापु न्यापु चिबाखं ब्वनाः न्यंकादीगु खः ।

नेरेश अमात्यं न्ह्याकादीगु उगु ज्याइवल्य साहित्यकार डा. पुष्पराज राजकर्णिकारं नेपालयुगु ब्वलनावःगु मानवीय स्वभावयात कयाः च्वयातःगु

च्वसु अथे हे समाजयुगु ब्वलनाच्वंगु विकृति या विषयस च्वयातःगु चिबाखं तसकं च्छायावहःगु धयादिल ।

सुनिल बज्राचार्य लसकुस यानादीगु उगु ज्याइवल्य चिबाखं बाचन यानादीपिन्त सुधीर खर्बाबिं मतिनाया चिं लःल्हानादीगु खः । अथे हे बंशधर बज्राचार्य मंगल नारायण जोशीयात लुखा सिरपाःकथं लुमनि चिं लःल्हानादीगु खः ।

बुद्धमूर्तिलिसेँ सफू उलेज्या



बौद्ध समाजसेवी मोतिलाल सिल्पकारया बुदिंया लसताय वयुगु कःया च्वनादीगु लोकेश्वर त्वालय बुद्धमूर्तिलिसेँ सफू उलेज्या जुल ।

श्रद्धेय भिक्षु व गुरुमापिन्सं मंकाःकथं परित्राण पाठ याना बिज्याःगु उगु ज्याइवल्य नेपाल बौद्ध परियति शिक्षा अन्तर्गत प्रवेश

तृतीय वर्षया अप्राप्त जुइधुंक्कगु निगु सफू भाग २ व भाग ४ श्रद्धेय भिक्षु धम्मशोभन महास्थविर व बुद्धमूर्ति या उलेज्या श्रद्धेय भिक्षु बोधिज्ञान महास्थविरं यानाबिज्याःगु खः । ज्याइवल्य उपस्थित जुयादीपिं सकल भन्ते गुरुमापिन्त दानप्रदान याःगु खः ।

शिक्षालाई सीपसँग, सीपलाई उत्पादनसँग, उत्पादनलाई बजार तथा बजारलाई रोजगारीको अवसर र आर्थिक विकाससँग जोड्ने अभिप्रायले नेपाल सरकारद्वारा गठित कार्यदलले मानव संसाधनको आँकलन तथा प्रक्षेपण कार्य गरिरहेको सन्दर्भमा नेपाल सरकार शिक्षा, विज्ञान तथा प्रविधि मन्त्रालय र सङ्घीय मामिला तथा सामान्य प्रशासन मन्त्रालयको वेबसाइट मार्फत वा www.hrp.gov.np मा रहेको online विवरण तथा सुझाव संकलन फारम योग गरिदिनुहुन अनुरोध गरिन्छ ।

Email: hrp@moest.gov.np
Toll Free No.: 16600100382



नेपाल सरकार
सञ्चार तथा सूचना प्रविधि मन्त्रालय
सूचना तथा प्रसारण विभाग

THE SUCCESS IN LIFE IS WHEN GIFTS
ARE DISCOVERED AND PURSUED.

**DISCOVER THE GIFT
IN YOUR CHILD!**



ADMISSIONS OPEN!

GRADE I-IX

Features

- Fully air-conditioned earthquake resistance infrastructure.
- First School with STEM LAB & STEM focused curriculum.
- Activity based learning.
- Well-trained cohort of teaching staffs.
- Transport and residential facilities.



**HIMALAYAN WHITEHOUSE
WORLD SCHOOL**

Discovering the gift in every child



Subidhanagar, Tinkune-32
Kathmandu, Nepal



01-5199456/57
9801204301/2

www.whitehouseworldschool.edu.np